

- 180 -

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA ZAVIDOVIĆI
OPĆINSKO VIJEĆE

Broj: 01-31-792/10

Dana: 27.02.2010.godine

Općinsko vijeće Zavidovići na 19. sjednici održanoj dana 27.02.2010.godine, na osnovu člana 14. stav 4. Zakona o eksproprijaciji ("Službene novine Federacije BiH", broj: 70/07) i člana 25. Statuta općine Zavidovići ("Službeni glasnik općine Zavidovići", broj: 5/08 i 5/a/08), po prijedlogu za utvrđivanje javnog interesa, donosi

O D L U K U

Utvrđuje se da je od javnog interesa izgradnja trase 10(20) kV podzemnog kabla za vezu TS 110/35/10 kV «Zavidovići»- 10 (20) kV DV «Dubravica III», te da se u tu svrhu može pristupiti nepotpunoj eksproprijaciji- ustanovljenju prava služnosti prokopavanja kanala radi postavljanja i održavanja objekata za prenos i razvođenje električne energije u korist JP "Elektroprivreda BiH" d.d. Sarajevo, Podružnica "Elektrodistribucija" Zenica, na dijelovima nekretnina označenih kako slijedi:

- k.č. 2679/8 zv. „Selište“ šuma 5. klase pov. 619 m², k.č. 2679/1 zv. „Selište“ pov. 2688 m², upisane u P.L. 1028 k.o. Alići, vlasništvo Slišković Zore kći Tade iz Zavidovića, Biljačić bb, sa dijelom 1/1.
- k.č. 2677 zv. „Potok-Biljačić“ potok pov. 505 m², upisana u P.L. 91 k.o. Alići, kao DRSV Vode, sa dijelom 1/1.
- k.č. 2678/2 zv. „Kosica“ pašnjak 4. klase pov. 960 m², upisana u P.L. 1148 k.o. Alići, suvlasništvo Slišković Marije kći Mate, mld. Slišković Željke kći Nike i mld. Slišković Blaženke kći Nike, svi iz Ozimica, Brankovići bb, dijelom 1/3.

II

Utvrđuje se da je JP "Elektroprivreda BiH" d.d. Sarajevo, Podružnica "Elektrodistribucija" Zenica korisnik nepotpune eksproprijacije za izgradnju trase 10(20) kV podzemnog kabla za vezu TS 110/35/10 kV «Zavidovići»- 10 (20) kV DV «Dubravica III».

O b r a z l o ž e n j e

Pravni osnov:

Pravni osnov za donošenje ove odluke je član 14. stav.4. Zakona o eksproprijaciji koji glasi: «Odluku o utvrđivanju javnog interesa za izgradnju objekta ili izvođenje radova na području općine donosi općinsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.»

Razlozi donošenja:

Svojim prijedlog od 18.02.2010. godine, JP Elektroprivreda BiH d.d. Sarajevo, Podružnica "Elektrodistribucija" Zenica zatražilo je utvrđivanje javnog interesa za izgradnju trase 10(20) kV podzemnog kabla za vezu TS 110/35/10 kV «Zavidovići- 10 (20) kV DV «Dubravica III», te da se u tu svrhu može pristupiti nepotpunoj eksproprijaciji- ustanovljenju prava služnosti prokopavanja kanala radi postavljanja i održavanja objekata za prenos i razvođenje električne energije na dijelovima nekretnina bliže označenih u članu I ove odluke.

Uz prijedlog za utvrđivanje javnog interesa korisnik eksproprijacije priložio je:

- izvode iz posjedovnih listova
- rješenje o urbanističkoj saglasnosti
- dokaz o uplati administrativne takse

Imajući u vidu značaj izgradnje pomenutog objekta sa aspekta kvalitetnijeg i sigurnijeg snadbijevanja električnom energijom stanovništva na predmetnom području, priložene dokaze u spisu kao i činjenicu da su ispunjeni zakonski uslovi za utvrđivanje javnog interesa za izgradnju istog, ocijenjeno da je prijedlog za utvrđivanje javnog interesa opravdan.

Pouka o pravnom lijeku:

Protiv ove odluke može se pokrenuti upravni spor podnošenjem tužbe kod Kantonalnog suda u Zenici, u roku od 30 dana od dana dostavljanja odluke. Tužba se podnosi neposredno sudu.

(M.P.)

**PREDSJEDAVAJUĆI
OPĆINSKOG VIJEĆA**

ing. Radosav Petrović, s.r.